



Inatsisartuni ilaasortaq Per Berthelsen, Siumut
MAANI

Isukasia pillugu § 37 naapertorlugu apeqquteqaammut nr. 2012-276-mut akissuteqaat

28. november 2012
Sagsnr. 2012-075570
Dok. Nr.

Isukasiani saviminissarsiorfissamut tunngatillugu Inatsisartut suleriaasianni § 37 imm. 1 malillugu apeqqutit matuma kinguliani allassimasut Naalakkersuisunut saqqummiuppatit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Nuup Kangerluani Isukasiani London Miningip saviminissamik piiaanissamut pilersaarutai pillugit tusarniaanermik ingerlatsineq inuiaqatigiinnut qanoq aningaasartuutaava?

Apeqqut 1-imut akissuteqaat

Tusarniaanerup ingerlaneranut, paasillugu innuttaasunik ataatsimiititsinerit sisamat ingerlanneqartut, atatillugu toqqaannartumik aningaasartuutit ataatsimut katillugit 229.000 koruuninik akeqarput. CompetenceKompagniet akilerneqarnerata saniatigut tassani ilaapput aviisini aamma TV-imi allagarsiinerit, ininik attartornerit aamma Ilimmarfimmi Katuamilu sutugassaqartitsineq, bussinik attartorneq, nutserisut aamma nutserisut atortuinik attartorneq.

Oqartussaasut suliarinninnerpiaannut atatillugu aningaasartuutit, ilanngullugit Aatsitassanut Ikummatissanullu Pisortaqarfimmi sulisut sulinerimut nalunaaquttap akunneri atugaat aamma siunnersortinik avataaneersunik atuineq, qaammatit pingasukkaarlugit naatsorsorneqartarput, tamatumalu kingorna London Mining-imut akiligassiissut nassiunneqartarluni.

2. London Miningip Isukasiani saviminissamik piiaanissamut pilersaarutai pillugit tusarniaalluni innuttaasunik ataatsimiititsinerit qassit ingerlanneqarpat?

Apeqqut 2-imut akissuteqaat

London Mining-ip qinnuteqaataanut najoqqutassat – Avatangiisinut sunniutaasussanik nalilersuineq (VVM) aamma Inuiaqatigiinni pijuartussamik iluaqutaasumik sunniutaasussanik nalilersuineq (VSB) suliarisaasa, tusarniaassutigineqarnerisa nalaani Namminersorlutik Oqartussanit innuttaasunik ataatsimiititsinerit sisamat ingerlanneqarput. Innuttaasunik ataatsimiititsinerit makkuupput:

2012	27/08	Tusarniaanerup ingerlaneranut atatillugu innuttaasunik ataatsimiititsineq – aallarniutaasumik ataatsimiititsineq /AIP	Innuttaasut, Inuussutissarsionermut Suliffeqarnermullu Naalakkersuisoq, AIP, London Mining, Grontmij, Orbicon aamma SNC Lavelin
2012	07/09	Tusarniaanerup ingerlaneranut atatillugu innuttaasunik ataatsimiititsineq /VSB/AIP	Innuttaasut, AIP, Grontmij aamma London Mining
2012	24/09	Tusarniaanerup ingerlaneranut atatillugu innuttaasunik ataatsimiititsineq /VVM/AIP	Innuttaasut, AIP, Orbicon, London Mining aamma DCE
2012	08/10	Tusarniaanerup ingerlaneranut atatillugu innuttaasunik ataatsimiititsineq /Naggataarutaasumik oqallinneq /AIP	Innuttaasut, Inuussutissarsionermut Suliffeqarnermullu Naalakkersuisoq, AIP, DCE, Orbicon, Grontmij, London Mining

Innuttaasunik ataatsimiititsinernit tamaginnit imaqarniliat aamma apeqqutinut akissutit tusarniaanerumut nittartakkami www.nanoq.gl takuneqarsinnaapput.

Tamatuma saniatigut London Mining Nuummi arlaleriarluni innuttaasunik aamma paasititsiniaalluni ataatsimiititsivoq.

Matuma kinguliani ingerlatseqatigiiffiup ingerlataannut takussutissiaq takuneqarsinnaavoq

Ukioq	Ulloq	Ingerlataq	Peqataasut il.il.
2009	18/11	VSB-mut suliaqarluni ataatsimiititsineq, VVM	SIK, GA, Sulinermit avatangiisinut oqartussat, KANUKOKA, Nunatta Katersugaasivia, AIP, Peqqissutsumut Naalakkersuisoqarfik, Inuussutissarsionermut Suliffeqarnermullu Naalakkersuisoqarfik, Nunamut Namminerumut, Pinngortitamut Avatangiisinullu Naalakkersuisoqarfik, Ineqarnermut, Attaveqarnermut Angallanermullu Naalakkersuisoqarfik, Kulturimut, Ilinniartitaanerumut Ilisimatusarnermullu Naalakkersuisoqarfik, Kommuneqarfik Sermersooq – suliffeqarnermut imm., Inuussutissarsiutinik inerisaanerumut imm. - kiisalu London Mining, Orbicon aamma Grontmij CarlBro
2010	09/11 12/11	Ataasiakkaanik apersuineq – Ilisimatusarfik	Ilisimatuut aamma Rektori
2010	10/11	Ataatsimiinneq	Pinngortitaleriffik kiisalu Nunamut Namminerumut, Pinngortitamut Avatangiisinullu Naalakkersuisoqarfik kiisalu London Mining,

			Orbicon aamma Grontmij CarlBro
2010	11/11	Ataatsimiinneq	Kommuneqarfik Sermersooq – peqqissutsimut imm. kiisalu London Mining aamma Grontmij
2010	11/11	Inuiaqatigiinni peqqissuseq aamma inuiaqatigiinni sanngiinnerusut pillugit ataatsimiititsineq	Qaqiffik , Ilisimatusarfik
2010	12/11	Ataatsimiinneq – Kommuneqarfik Sermersooq	Kommuneqarfik Sermersooq – inuussutissarsiutinik inerisaanermut imm., suliffeqarnermut imm., inuussutissarsiornermut, sulisussanut ilinniartitaanermullu imm., Avatangiisinut pisortaq kiisalu London Mining, Orbicon aamma Grontmij
2010	12/11	Ataatsimiinneq	Nukissiorfiit aamma Greenland Mining Services kiisalu London Mining aamma Grontmij
2010	18/11	Aallartitsissutitut ataatsimiititsineq	Kommuneqarfik Sermersooq - inuussutissarsiornermut, sulisussanut ilinniartitaanermullu imm, pinngortitamut piujuartitsinissamullu imm., inuussutissarsiutinik inerisaanermut imm, avatangiisinut sanaartornermullu imm., KNARPK, KANUKOKA,NUSUKA, SIK, GA, NAPP, ASIAQ, AIP, Nunamut Namminermut, Pinngortitamut Avatangiisinullu Naalakkersuisoqarfik, Peqqissutsimut Naalakkersuisoqarfik, Exploration Services, Greenland Mining Services, Geo Arctic Construction Aps kiisalu London Mining, Orbicon aamma Grontmij
2010	18/11	VSB pillugu Nuummi paasititsiniaalluni tamanut ataatsimiititsineq	Nuummi innuttaasut, London Mining, Orbicon, Grontmij, SNC Lavelin,
2011	24/03	VVM, VSB kiisalu Isuani suliassap nutaartai pillugit Nuummi paasititsiniaalluni tamanut ataatsimiititsineq	Nuummi innuttaasut, kiisalu London Mining aamma Orbicon
2011	30/05	Innuttaasut katitigaaneranni allannguutit pillugit suliaqarluni ataatsimiinneq	PARISA, Peqqissutsimut Pitsaaliuineramullu Aqutsisoqarfik, Ilisimatusarfik, Akileraartarnermut Aqutsisoqarfik, Peqqissutsimut Naalakkersuisoqarfik, London Mining aamma Grontmij
2011	31/05	Kapisilinni paasititsiniaalluni tamanut ataatsimiititsineq – Isuani suliassaq aamma VSB – ip ingerlanera	Kapisilinni innuttaasut, London Mining, Grontmij,
2011	31/05-02/06	Apersuinerit	Kapisilinneersut aamma Kommuneqarfik Sermersuumeersut apersorneqarput
2011	15/06-05/07	Apersuinerit	Aalisartut piniartullu Nuummeersut aamma Kapisilinneersut atuuttumik piniarnermut allagartaqartut (49 miss.)

			Iggiaani puttasuni sunngiffimmi piniartut (208 miss.)
2011	01/09	Nuummi innuttaasunik ataatsimiititsineq, VVM	Nuummi innuttaasut, London Mining aamma Orbicon
2011	04/11	London Mining-ip paasissutissiinermut allaffia Nuummi ammarpoq	Innuttaasunut
2012	07/08	Nuummi paasissutissiilluni ataatsimiititsineq – ilusilersuineq aamma teknik	Innuttaasut aamma London Mining aamma SCN Lavelin
2012	08/08	Nuummi paasissutissiilluni ataatsimiititsineq – ilusilersuineq aamma teknik	Innuttaasut aamma London Mining aamma SCN Lavelin
2012	28/08	Nuummi paasissutissiilluni ataatsimiititsineq - VSB	Innuttaasut, London Mining aamma Grontmij
2012	29/08	Nuummi paasissutissiilluni ataatsimiititsineq - VSB	Innuttaasut, London Mining aamma Grontmij
2012	08/09	Nuummi paasissutissiilluni ataatsimiititsineq - VVM	Innuttaasut, London Mining aamma Orbicon
2012	09/09	Nuummi paasissutissiilluni ataatsimiititsineq – VVM	Innuttaasut, London Mining aamma Orbicon
2012	04/10	Nuummi paasissutissiilluni ataatsimiititsineq – oqallinneq	Innuttaasut aamma London Mining
2011		Nittartagaq suliassaq pillugu paasissutissanik nalunaarusianillu imaqartoq.	Innuttaasunut soqutigisaqartunullu allanut – tuluttut aamma kalaallisut

3. Innuttaasunik ataatsimiititsinerni suut pissarsiarineqarpat?

Apeqqut 3-imut akissuteqaat

Tassani Kommuneqarfik Sermersuumi innuttaasut pineqarpata taanna Naalakkersuisut akisassarigunangilaat.

Tassanili innuttaasunik ataatsimiititsinerit tusarniaanerup ingerlanerpiaanut qanoq ataqatigiissinneqarsimanersut naliliineq innersuussutigineqarsimappat oqaatigineqarsinnaavoq, innuttaasut soqutigisaqartullu suliassaq pillugu annertunerusumik paasisaqarnissamut, ingerlatseqatigiiffimmut taassumalu siunnersortaannut paasinarsisitsisussanik apeqquteqarnissamut kiisalu suliassaq taassumalu ilusilersorneqarnera pillugu isumanerluutiminnik isummersuutiminnillu saqqummiussinissamut periarfissinneqarsimammata. Innuttaasunik ataatsimiititsinerit tusarniaanerup ingerlanerata ilaatut isigineqassapput aammalu ataatsimiinnernit imaqarniliat najoqqutassat Lodom Mining-ip qinnuteqaataata sularineqarnissaanut atatillugu Naalakkersuisunut saqqummiunneqartussat ilaattut ilaassallutik.

Innuttaasut soqutigisaqartullu innuttaasunik ataatsimiititsinerni isummersuutiminnik isumanerluutiminnillu saqqummiussinerat aamma assersuutigalugu avatangiisit, imaani angalanerup, erngup oqimaaloqutaasussap aamma eqqagassat pillugit pissutsit

tamanut ammasumik oqallisigineqarsinnaasimanerannut iluaqutaasimapput aammalu ingerlatseqatigiiffik pissutsit taakkua qanoq iliuseqarfigineqarniarnerannik nassuiaasinnaasimalluni. Tamatuma saniatigut aamma pissutsit arlallit ingerlatseqatigiiffiup piumasaqaateqarfigisussaannngisai, kisiannili oqartussaasut piumasaqaateqarfigisassai, assersuutigalugu eqqagassalerinermut aamma erngup oqimaaloqutaasussap passunneqarnissaa, innutaasunut il.il. paasinarsisinnissaannut oqartussaasut periarfissaqarsimapput.

Tusarniaalluni nittartakkami www.nanoq.gl innutaasunut ataatsimiititsinernit sisamaasunit taakkunannga imaqarniliat tamarmik takuneqarsinnaapput, ilanngullugit innutaasunik ataatsimiititsinerni apeqqutinut tamanut apeqqutigineqartunut akissutaasut.

4. Naalackersuisut sooq suliffeqarfimmik namminersorluni ingerlasumik London Miningip Isukasiani saviminissamik paaanissamut pilersaarutai pillugit innutaasunut ataatsimiititsinikkut tusarniaanermik ingerlatsisussanngortitsiva?

Apeqqut 4-imut akissuteqaat

London Mining-ip 2012-imi januarimi misissuineranut akuersissutip ataani ingerlatassanik suliaqarnissaq pillugu qinnuteqaataanut kiisalu sumiiffiup pisinnaatitsissuteqarfiusup annertusineqarnissaa pillugu qinnuteqaataanut atatillugu, London Mining nammineerluni innutaasunik ataatsimiititsinerit ingerlanneqarnerannut akisussaasuummat arlallingnangaaniit isornartorsiorneqarpoq. Suliassanut angisoorsuarnut atatillugu tusarniaanerit ingerlasarneri pillugu nalunaarusiamik 2012-imi februaarimi GA saqqummersitsivoq, tassani inassuteqaatit ilaat tassaalluni tusarniaaneq sullissivimmit arlaannaannulluunniit attuumassuteqanngitsumit isumagineqartassasoq. Taanna ingerlatseqatigiiffiussanngilaq imaluunniit tassaassanani Aatsitassanut Ikummatissanullu Pisortaqaqfik.

Innutaasunik ataatsimiititsinerit arlaannaannulluunniit attuumassuteqanngitsumit ataatsimiinnermik aqutsisumit aqunneqartassasut, aammalu apeqqutit akissutillu ersersillugit imaqarniliamik suliaqartoqartassasoq Naalackersuisut ilalerpaat.

London Mining 2012-imi aggustimi paaanissamik akuersissummik qinnuteqarpoq, kisiannili innutaasunik ataatsimiititsinerit ingerlanneqarnerannik sullissivik/immikkoortortaq sorleq isumaginnittuusinnaassanersoq pillugu paasiniaanermik suliaqarneq juulimili aallartinneqarpoq. Namminersorlutik Oqartussani immikkoortortat pioreersut arlaannaannulluunniit London Mining-ip paaanissamut akuersissummik qinnuteqaataanut tunngatillugu tunngaviusumik arlaannaannulluunniit attuumassuteqanngitsutut isigineqarsinnaanngimmata imaluunniit suliassamik kivitsisinaanissamut periarfissaqaratik, taamaattumik namminersortuni periarfissanik misissuisoqassasoq aalajangiisoqarpoq. Taamaattumik ingerlatseqatigiiffiit kalaallinit pigineqartut arlallit, ilanngullugu CompetenceKompagniet, innutaasunik ataatsimiititsinerit ingerlanneqarnerinik suliassamik isumaginninnissaq, ilanngullugu ataatsimiititsinernit imaqarniliorneq, siunertaralugu attaveqarfigineqarput.

5. Sooq Naalackersuisut London Miningip Isukasiani saviminissamik piaanissamut pilersaarutai pillugit innuttaasunik ataatsimiititsinikkut tusarniaanernik namminneerlutik ingerlatsissannginnertik toqqarpaat?

Apeqquut 5-imut akissuteqaat

Apeqquut 4-imut akissuteqaat takuuk

6. London Miningip Isukasiani saviminissamik piaanissamut pilersaarutai pillugit illoqarfinni allani sooq innuttaasunik ataatsimiititsisoqanngila?

Apeqquut 6-imut akissuteqaat

London Mining-ip Isukasiani suliassaa Kommuneqarfik Sermersuumiippoq aammalu Nuup illoqarfia ullut tamaasa assigiinngitsutigut suliassamit tassungalu atatillugu ingerlatanit kallarneqartartussaavoq. Taamaattumik innuttaasunik ataatsimiititsinerit tassani ingerlanneqarnerat pissusissamisoorpoq.

Namminersorlutik Oqartussat innuttaasunik ataatsimiititsineri sisamaasut tamarmik KNR-imi aallakaatinneqarput (TV aamma raatiu). Ukiup kingulliup ingerlanerani aamma raatiukkut TV-ikkullu assigiinngitsunik oqallittoqartarpoq allatullu ittunik paasisutissiisoqartarluni. Aammattaaq isumasioqatigiinnerit, ataatsimeersuarnerit il.il. ingerlanneqartarput, taakkunani London Mining-ip saviminissarsiorfimmuut suliniutaa saqqummiunneqartarluni, aammalu London Mining-imut apeqquuteqarnissamut periarfissiisoqartarluni.

2011	19/01	Nuummi pilersuisuusussanut isumasioqatigiisitsineq/ AIP	London Mining-ip suliniutertik suliffeqarfinnut nunaqavissunut saqqummiuppaat
2011	19/01	Nuummi pilersuisuusussanut isumasioqatigiisitsineq / AIP	London Mining "ataatsimiit ataatsimut" suliffeqarfinnik nunaqavissunik 21-inik ataatsimeeqateqarpoq
2011	21/09	Nuummi ataatsimeersuarneq Joining Forces / AIP, GA aamma Kommuneqarfik Sermersooq	Nuummi ataatsimeersuarnermi Joining Forces-imi London Mining-ip suliniutertik saqqummiuppaat
2011	29/08-30/08	Niuertunit aallartitanik Sverige-meersunik tikeraartoqarneq	London Mining-ip Isukasiani saviminissarsiorfimmuut suliniutertik saqqummiuppaat – Kalaallit Nunaanni nunamit namminermit aamma kommuninit politikerinik atorfilittanillu kiisalu inuussutissarsiorunit nunaqavissunit aallartitanik peqataasoqarpoq

Ataatsimiinnerni taakkunani arlalinni nunami kommuninit allanit inuussutissarsiorunit aallartitanik peqataasoqartarpoq. Aammalu saviminissarsiorfissamut suliniummut tunngatillugu KNR-imi allakaatitsisoqarpoq.

Naalakkersuisut Avannaanut Kujataanullu Inuussutissarsiornermut Suliffeqarnermullu Naalakkersuisoq Ove Karl Berthelsen-ip peqataaffigisaanik angalanerannut atatillugu, illoqarfinni arlalinni innuttaasunik ataatsimiititsisoqartarpoq, taakkunani ilaatigut aatsitassarsiornermut suliniutit ingerlallualereersut saqqummiunneqartarlutik, ilanngullugu aamma London Mining-ip saviminissarsiorfimmumut suliniutaa.

Taamaattumik eqikkaasoqarsinnaavoq arlalinnik ingerlataqartoqarsimammat assigiinngitsutigut paasissutissiiviusunik, oqallinnissamut periarfissiisoqartarluni – aamma Nuup avataani.

7. Sooq London Miningip saviminissamik paaaffigerusutani 'Isua'-nik taagorjaa, ufa sumiiffik pineqartoq pisortatigoortumik 'Isukasia'-nik taaguuteqartoq.

Apeqquut 7-imut akissuteqaat

Pisinnaatitsissutit tunniunneqartut tamarmik taaguuserneqartarput, aammalu pininnaatitsissut maannakkut pigineqartoq taaguuserneqarmat Isua-nik atserneqarpoq.

Isukasia sumiiffiup saviminissaqarfiup sumiiffigisaata taaguutigaa, Isua tassaalluni nunap sannaata ataannartumik assigiissuseqartup taaguutaa, tassani ilaatigut Isukasiani saviminissaqarfik ilaavoq, kisiannili aamma sumiiffik pininnaatitsissuteqarfiusorpiaq qaangerujussuarlugu isorartussuseqarluni.

Inussiarnersumik inuulluaqqusillunga



Ove Karl Berthelsen



19. november 2012

Inatsisartut suleriaasianni § 37, imm. 1 naapertorlugu Naalakkersuisunut apeqqutit imaattut matumuuna saqqummiuppakka:

- 1. Nuup Kangerluani Isukasiani London Miningip saviminissamik piaanissamut pilersaarutai pillugit tusarniaanermik ingerlatsineq inuiaqatigiinnut qanoq aningaasartuutaava?**
- 2. London Miningip Isukasiani saviminissamik piaanissamut pilersaarutai pillugit tusarniaalluni innuttaasunik ataatsimiititsinerit qassit ingerlanneqarpat?**
- 3. Innuttaasunik ataatsimiisitsinerni suut pissarsiarineqarpat?**
- 4. Naalakkersuisut sooq suliffeqarfimmik namminersorluni ingerlasumik London Miningip Isukasiani saviminissamik piaanissamut pilersaarutai pillugit innuttaasunut ataatsimiititsinikkut tusarniaanermik ingerlatsisussanngortitsiva?**
- 5. Sooq Naalakkersuisut London Miningip Isukasiani saviminissamik piaanissamut pilersaarutai pillugit innuttaasunik ataatsimiititsinikkut tusarniaanernik namminneerlutik ingerlatsissannginnertik toqqarpaat?**
- 6. London Miningip Isukasiani saviminissamik piaanissamut pilersaarutai pillugit illoqarfinni allani sooq innuttaasunik ataatsimiititsisoqanngila?**
- 7. Sooq London Miningip saviminissamik paaaffigerusutani 'Isua'-nik taagorpaa, uffa sumiiffik pineqartoq pisortatigoortumik 'Isukasia'-nik taaguuteqartoq?**
(Per Berthelsen, Siumut)

Tunngavilersuut:

Qaammatini kingullerni London Miningip Isukasiani saviminissamik piaanissaanik pilersaarutit pillugit Nuummi innuttaasunik ataatsimiititsinernik ingerlatsinikkut tusarniaarnerit arlallit ingerlanneqarput. Innuttaasunik ataatsimiititsinerit suliffeqarfimmit namminersortumit ingerlanneqarput.

Siumup suliaq pillugu apeqqutit pingaarutillit tusagassiutit aqqutigalugit saqqummiuppai, tamatumanilu maluginiarlugu apeqqutit Siumup apeqqutaanut assigusut aamma soqutigisaqaqatigiiffimmit saqqummiunneqarneqartut. Taamaattoq pisortatigoortumik Siumup tusagassiutit aqqutigalugit apeqqutai qisuariarfigineqanngimmata, matumuuna Siumumi politikikkut oqaaseqartutut Naalakkersuisunut apeqqutit arlariit saqqummiuppakka.

Apeqqutima ullut suliffiusut qulit ingerlaneranni akineqarnissaat kissaatigaara.